

## Zbirka medijskih objava

VladaBrckoDistrikta\_kliping\_dnevno,  
za razdoblje 10. 1. 2021

---

Broj objava: 6

Internet: 4

Televizija: 2

Teme praćenja:

Vlada Brčko Distrikta: 0

Gradonačelnik ....: 0

Skupština Brčko ....: 0

Brčko: 6

## Brčko:

|                |                |                                               |  |  |
|----------------|----------------|-----------------------------------------------|--|--|
| Internet       | Naslov         | Mlada Brčanka Ida Fazlić živi san u Grenobleu |  |  |
| Serijski br. 1 | Medij; Doseg   | Infobrcko.com; 1.158, Bosna i Hercegovina     |  |  |
|                | Rubrika, Datum | Ostalo; 9. 1. 2021                            |  |  |
|                | Autor          | Unknown                                       |  |  |
|                | Teme           | Brčko                                         |  |  |

|                |                |                                                                  |  |  |
|----------------|----------------|------------------------------------------------------------------|--|--|
| Internet       | Naslov         | U BiH zabilježeno novih 459 slučajeva zaraze, preminulo 20 osoba |  |  |
| Serijski br. 2 | Medij; Doseg   | Klix.ba; 1.158, Bosna i Hercegovina                              |  |  |
|                | Rubrika, Datum | Ostalo; 9. 1. 2021                                               |  |  |
|                | Autor          | V. K.                                                            |  |  |
|                | Teme           | Brčko                                                            |  |  |

|                |                |                                   |       |                 |
|----------------|----------------|-----------------------------------|-------|-----------------|
| Televizija     | Naslov         | 20 preminulih                     |       |                 |
| Serijski br. 3 | Medij; Doseg   | Nova BH; , Bosna i Hercegovina    | 18:30 | Trajanje: 1 min |
|                | Rubrika, Datum | Dnevnik NewsMax Adria; 9. 1. 2021 |       |                 |
|                | Autor          | Unknown                           |       |                 |
|                | Teme           | Brčko                             |       |                 |

|                |                |                                                                        |       |                 |
|----------------|----------------|------------------------------------------------------------------------|-------|-----------------|
| Televizija     | Naslov         | U BiH 459 novozaraženih, 20 preminulih od koronavirusa                 |       |                 |
| Serijski br. 4 | Medij; Doseg   | Radio Televizija Federacije Bosne i Hercegovine; , Bosna i Hercegovina | 23:40 | Trajanje: 1 min |
|                | Rubrika, Datum | Dnevnik; 9. 1. 2021                                                    |       |                 |
|                | Autor          | Šećerović Edina                                                        |       |                 |
|                | Teme           | Brčko                                                                  |       |                 |

|                |                |                                                                 |  |  |
|----------------|----------------|-----------------------------------------------------------------|--|--|
| Internet       | Naslov         | U Brčkom osvanule bijele trake sa natpisom "don't forget"/FOTO: |  |  |
| Serijski br. 5 | Medij; Doseg   | Infobrcko.com; 1.158, Bosna i Hercegovina                       |  |  |
|                | Rubrika, Datum | Ostalo; 10. 1. 2021                                             |  |  |
|                | Autor          | Unknown                                                         |  |  |
|                | Teme           | Brčko                                                           |  |  |

|                |                |                                                               |  |  |
|----------------|----------------|---------------------------------------------------------------|--|--|
| Internet       | Naslov         | Pomozimo da Brčko dobije sadnice: Glasaj i "Posadi svoj hlad" |  |  |
| Serijski br. 6 | Medij; Doseg   | Infobrcko.com; 1.158, Bosna i Hercegovina                     |  |  |
|                | Rubrika, Datum | Ostalo; 10. 1. 2021                                           |  |  |
|                | Autor          | Unknown                                                       |  |  |
|                | Teme           | Brčko                                                         |  |  |

infobrcko.com



## Mlada Brčanka Ida Fazlić živi san u Grenobleu



Nakon što je uspješno magistrirala na Univerzitetu Ca'Foscari u Veneciji, Ida Fazlić započinje doktorat na European Synchrotron Radiation Facility.

Mnogo je priča o uspjesima mladih ljudi iz BiH širom svijeta, ali uvjerićete se, ova je posebna. Ida Fazlić, 25-godišnja Brčanka, dijete rođeno u izbjegličkom naselju, zahvaljujući napornom učenju, trudu i radu upravo živi svoj san. Nakon što je prošle godine iz izolacije u **Brčkom** putem videolinka uspješno odbranila magistarski rad i stekla titulu magistricice u nauci i tehnologiji konzervacije kulturnog naslijeđa na Univerzitetu Ca'Foscari u Veneciji, nastavila je nizati uspjehe.

Dobila je priliku da početkom marta započne pripremu doktorata iz analitičke hemije na European Synchrotron Radiation Facility (ESRF) u Grenobleu u Francuskoj, a radiće i u Rijks muzeju pri Univerzitetu u Amsterdamu.

- Prije svega, moram spomenuti da sam kroz istraživanje i studiranje u Veneciji dobila priliku da radim sa Internacionalnom galerijom savremene umjetnosti Ca' Pesaro, a potom sam dobila jedinstvenu priliku za rad u Kunsthistorisches Muzeju u Beču, gdje sam odradila tromjesečni staž. S obzirom na to da su bili zadovoljni mojim radom, pozvali su me da im se opet pridružim. Ja sam u ovom periodu trebala da budem tamo i da produžim svoj staž. Kako se desila pandemija, svima se nešto poremetilo, pa tako i meni. Nažalost, nisam dobila priliku da odem u Beč zbog restrikcija, ali sam dobila priliku da nastavim studije pri ESRF-u. To je akcelerator čestica koji koristi x zrake za razne analize između kojih će u toku mog rada tamo biti i analize uzoraka, kako historijskih tako i industrijskih boja. Ovaj doktorat nije baziran samo u Grenobleu nego se saradnji sa njima priključio i Rijks muzej u Amsterdamu te ću od četiri godine jednu provesti u tom muzeju, priča za Oslobođenje Fazlić.

Kaže nam kako nije sigurna da je neko s naših prostora otišao raditi i studirati u Synchrotronu jer je to, kaže nam, sa naučne tačke gledišta ostvarenje snova svakog hemičara, naučnika u konzervaciji.

- Tu se, zapravo, izvode najkompleksnije i najnovije analize uzoraka kulturno-historijskih djela i one svojim radom doprinose kako stanju nauke u konzervaciji tako i same konzervacije. Ta ustanova ima nevjerovatan značaj ne samo za Francuze nego i

za cijeli svijet, jer 22 zemlje u cijelom svijetu učestvuju u finansiranju Synchrotrona i samim tim podržavaju ga i imaju saradnju s njim. Od četiri takve ustanove na svijetu, Synchrotron je jedna od najsnažnijih, koja ubrzava čestice do te mjere da se one približe brzini svjetlosti i isijavaju određenu energiju koja se kasnije usmjerava u laboratorij i koristi za analize, pojašnjava Fazlić.

Kroz razgovor se prisjetila trenutaka i vrijednih iskustava koja je ostvarila tokom studija u Veneciji.

- Ovaj studij je bio malo drugačiji od onoga što sam dotad studirala, a sastojao se od istraživanja, to jeste naučnih analiza kulturno-historijskih objekata koji, recimo, pate od neke osobite degradacije, raznih oštećenja kako prirodnih tako i onih nanesenih ljudskom rukom. Tokom studija dobila sam priliku da kroz te analize i rad u laboratoriji saznam više o samom sastavu djela kako bih onda mogla procijeniti uzroke degradacije, uzroke propadanja, a u nekim slučajevima je moguće napraviti razliku da li je djelo pravo ili je ono reprodukcija. Kroz sve to istraživanje i studiranje u Veneciji dobila sam priliku da radim sa Internacionalnom galerijom savremene umjetnosti Ca' Pesaro u Veneciji, a potom sam dobila priliku za rad u Kunsthistorisches muzeju u Beču, gdje sam odradila tromjesečni staž, ističe Fazlić.

Ne može zaboraviti ni trenutke kada je magistrirala iz izolacije, a posebno teško joj je palo to što je majka bila u drugoj sobi i nisu se mogle zagrliti.

- Bila sam koliko sretna, toliko i razočarana što nisam mogla da podijelim taj trenutak sa svojim najdražim. Kad sam završila magistarski, očekivala sam da ću posao dobiti odmah, nastaviti studije, ići vani ili dobiti priliku da radim u BiH. Ostala sam u Brčkom i kako nisam željela da se prepustim očaju, odlučila sam da počnem raditi u Legat kući Ekmečić u Brčkom i počela sam saradivati sa Umjetničkom galerijom u Brčko distriktu. Kroz saradnju s njima dobila sam priliku da upoznam Safeta Zeca koji je genije. Nakon šest mjeseci dala sam se u potragu za doktorske studije koje dugo želim. Slučajno sam na internetu našla priliku da radim sa Synchrotronom, vidjela sam da su u saradnji sa Rijks muzejom i Akzonobel firmom i poslala sam dokumente. Jedan mentor iz Venecije mi je rekao: budi spremna, jer ti se možda to neće ostvariti, ljudi godinama pokušavaju da odrade eksterni projekat i da bar malo sarađuju sa njima, a kamoli da tamo odu živjeti i raditi. Druga mentorica mi je rekla: samo ti pokušaj, nemaš šta izgubiti. Prije dvije sedmice su me pozvali na razgovor koji je trajao dugo. Razna pitanja su mi postavili, počevši od toga kakve su moje mogućnosti prezentovanja, komunikacije, kako prezentujem istraživanje drugima, a potom su krenula pitanja vezana za moja znanja iz hemije. Bila sam spremna da me mogu pitati bilo šta, kaže Fazlić.

Dobila je poziv nakon pet dana i tom prilikom joj je saopšteno da ju je sedam panelista koji su je intervjuisali izabralo na tu poziciju. U četvrtak ju je nazvao direktor ustanove i potvrdio da je njena aplikacija prošla i da je službeno zaposlena kod njih.

- Odlučila sam da idem vani i studiram, ne zato što mi u Bosni nije lijepo, već što je moje polje rada, to jest hemija u konzervaciji toliko specifična da ona još uvijek nije došla do nas. To je mlado i perspektivno polje da još uvijek nemamo takve stručnjake. Zato sam otišla vani po znanje koje planiram kroz svoje djelovanje uložiti u naše naslijeđe. Ja sam BiH uvijek na raspolaganju jer je to moja domovina i školovala sam se kako bih unaprijedila i naše naslijeđe, zaključuje na kraju Fazlić.



## U BiH zabilježeno novih 459 slučajeva zaraze, preminulo 20 osoba

U Bosni i Hercegovini u posljednja 24 sata zabilježeno je 459 novih slučajeva zaraze koronavirusom na osnovu 3.425 testiranih uzoraka. U posljednja 24 sata, na području države preminulo je 20 osoba.

U Bosni i Hercegovini u posljednja 24 sata zabilježeno je 459 novih slučajeva zaraze koronavirusom na osnovu 3.425 testiranih uzoraka. U posljednja 24 sata, na području države preminulo je 20 osoba.

Poređenja radi, u jučerašnjem izvještaju u BiH su zabilježena 602 pozitivna testa na koronavirus, a preminule su 33 osobe.

### Federacija BiH

U protekla 24 sata, Zavodu za javno zdravstvo Federacije BiH prijavljeno je 2.158 uzoraka, od kojih je 290 pozitivno na koronavirus.

Novi slučajevi registrirani su u svim kantonima u Federaciji BiH.

Do sada je testirano ukupno 360.488 uzoraka, a koronavirus je potvrđen kod 74.523 osobe.

Zaključno s današnjim danom, u Federaciji BiH izliječeno je 55.458 pacijenata. U protekla 24 sata, oporavljen je 181 pacijent. Trenutno je aktivno 16.775 slučajeva pozitivnih na novi virus.

U protekla 24 sata, Zavodu za javno zdravstvo Federacije BiH prijavljeno je ukupno 12 novih smrtnih ishoda i to 7 slučajeva u Kantonu Sarajevu, 4 slučaja u Tuzlanskom kantonu, i 1 smrtni ishod u Zapadnohercegovačkom kantonu.

S današnjim danom, broj smrtnih ishoda na području Federacije BiH je 2.290.

### Republika Srpska

U posljednja 24 sata, u Institutu za javno zdravstvo Republike Srpske, Univerzitetskom kliničkom centru Republike Srpske, Univerzitetskoj bolnici Foča i u bolnicama Sv. Vračevi u Bijeljini i Sv. apostol Luka u Doboju i izvršeno je testiranje 1.188 laboratorijskih uzoraka, a novi koronavirus potvrđen je kod 149 osoba.

Radi se o 74 muške i 75 ženskih osoba, od kojih je 19 mlađe, 95 srednje i 35 osoba starije životne dobi.

Prema mjestu prebivališta, 77 osoba je iz Banja Luke, 11 iz Trebinja, devet iz Bijeljine, osam iz Zvornika, po sedam iz Kotor Varoša i Laktaša, pet iz Višegrada, po tri iz Teslića i Čelinca, po dvije iz Bosanske Gradiške, Doboja, Bosanskog Novog i Prijedora i po jedna iz Bratunca, Bosanskog Broda, Dervente, Kneževa, Modriče, Mrkonjić Grada, Oštre Luke, Petrova, Prnjavora, Srebrenice i Foče.

U posljednja 24 sata, Institutu za javno zdravstvo Republike Srpske prijavljeno je sedam smrtnih slučajeva kod kojih je potvrđeno prisustvo koronavirusa. Radi se o pet muškaraca i dvije žene, srednje i starije životne dobi od kojih su dvije osobe iz Bijeljine i po jedna osoba iz Zvornika, Prijedora, Dervente, Modriče i Banja Luke.

Do sada je u Republici Srpskoj potvrđeno 38.002 slučajeva virusa korona, a preminulo je ukupno 1.875 osoba kod kojih je potvrđen test na koronavirus.

U Republici Srpskoj, od novog virusa, do sada se oporavilo 24.117 osobe, a testirano je ukupno 166.952 osoba.


Ukupan broj hospitalizovanih u Republici Srpskoj je 624, u Univerzitetskom kliničkom centru Republike Srpske 223, a u opštim bolnicama 401.

U Republici Srpskoj pod zdravstvenim nadzorom trenutno je 7.651 osoba, a nadzor je završen kod 120.912 osoba.

#### **Brčko distrikt**

Danas je u **Brčko** distriktu BiH registrovano 20 novih slučajeva zaraze od 79 testiranih uzoraka. U posljednja 24 sata preminula je jedna osoba, a oporavile su se 52 osobe.

## 20 preminulih



Država: Bosna i Hercegovina

Doseg:


Indeks

Trajanje: 01:00

(pogledaj)

1 / 1

# U BiH 459 novoizaraženih, 20 preminulih od koronavirusa



infobrcko.com



## U Brčkom osvanule bijele trake sa natpisom “don’t forget”/FOTO:

Prema dostupnim informacijama "Don't forget" je opomena da se ne zaboravi početak agresije, protjerivanja, silovanja, masovnih zločina i na kraju genocid.

Brčko razumije stradanja u cijeloj Bosni i Hercegovini, te se ovim gest prisjećamo i tortura i mučenja koja su doživjeli stanovnici Brčkog, Prijedora, Srebrenice...

Bijele trake jesu sjećanje na događaje koji su se počeli dešavati od 31. maja 1992. na području općine Prijedor. Na taj dan izdana je naredba od Kriznog štaba nasilno instalirane vlasti tadašnje općine Prijedor kojom se nesrpskom stanovništvu naređuje isticanje bijelog platna na svojim domovima, dok su nesrbi, uglavnom Bošnjaci i Hrvati, na javnim mjestima na nadlakticama morali nositi bijele trake.

Ta kampanja bila je uvod u etničko čišćenje nesrpskog stanovništva i genocidu nad Bošnjacima na području Prijedora.

Da se ne zaboravi da u Brčko distriktu Bosne i Hercegovine nema mjesta za obilježavanje neustavnih i diskriminacijskih praznika.

Da se ne zaboravi da Brčko distrikt Bosne i Hercegovine, dijeli entitet Republika Srpska na dva dijela, kao i entitet Federacija BiH.

Poruka koje je poslana jutros iz Brčkog jasno pokazuje da se neće zaboraviti događaji iz prošlosti ali i trajna opredjeljenost na čuvanju Bosne i Hercegovine.





















infobrcko.com

□

## Pomozimo da **Brčko** dobije sadnice: Glasaj i “Posadi svoj hlad”



Iz Srbije nam stiže ekološka akcija “Posadi svoj hlad”.

Radi se o akciji koja se sprovodi putem interneta, a za cilj ima sadnju 30.000 sadnica bijelog jasena koja podrazumijeva angažovanost samih građana.

Naime, sadnice će dobiti onaj grad, opština ili mjesto koji ostvari dovoljan broj glasova.

Potrebno je imati 1% glasova od ukupnog broja stanovnika i besplatne sadnice stižu početkom proljeća u taj grad.

Kako navodi Mirjana Mihajlović Bjelošević, koordinatorica Zelenog razvojnog centra za BiH važno je da što više građana glasa, a na to pravo ima svaki grad, opština ili mjesto u BiH.

**Brčkom** tako treba 835 glasova, a od tog broja nas, u trenutku pisanja ovog teksta, dijeli nešto više od 100.

Glasati je jednostavno – potrebno je nekoliko klikova, počevši od linka ispod:

<https://posadisvojhlad.ba/bs/glasanje-brcko/>

Glasati možete još danas, zato požurite!

Hajde da zajedno učinimo naš grad ljepšim!